

## Program Penyayang S.M.K. Subang Jaya I - Satu Kajian Kes

### Abstrak

Pada tahun 1997 satu Program Penyayang diperkenalkan di S.M.K. Subang Jaya I. Sejumlah 53 murid yang lemah dalam akademik dipilih dari kelas-kelas Peralihan, Tingkatan Satu dan Tingkatan Dua. Mereka diasingkan dari kelas biasanya dan didedahkan dengan program ini yang mengandungi unsur-unsur akademik, kebajikan dan penyayang.

### Program

Program ini dijanjikan mengambil masa 2 1/2 bulan. Tiap-tiap minggu empat masa (160 min) dikhaskan baginya. Murid-murid diajar baca secara asas dalam Bahasa Inggeris dan Bahasa Malaysia. Matematik juga diajar kepada mereka. Kelas nyanyian lagu-lagu Bahasa Inggeris diadakan supaya mereka dapat menggunakan Bahasa Inggeris dengan keyakinan diri. Program ini dijalankan pada masa persekolahan dan kedatangan 100% dapat diperolehi. Bahan bacaan yang digunakan adalah bahan bergambar dengan perkataan besar.

### Murid-Murid

Murid-murid yang dipilih untuk mengikuti program ini terdiri dari keluarga golongan pendapatan rendah. Socio-ekonomik statusnya adalah rendah dan mereka mengalami kekurangan dari semua aspek kehidupan mereka. Mereka dipandang rendah oleh guru dan rakan sebayanya. Akibatnya murid-murid ini rasa tidak dihargai dan sentiasa mengganggu proses pengajaran dan pembelajaran di sekolah. Untuk mengatasi masalah-masalah ini elemen penyayang dimasukkan dalam program ini. Guru yang mengendalikan program ini adalah guru Kaunselar Sesi Petang. Guru-guru pelatih juga dijemput masuk mengendalikan program ini.